



Fa'alapotopotoga o Ele'ele Tumāoti a Samoa

**Lipoti Fa'ale-Tausaga
2019-2020**

30 Oketopa 2020

Afioga Leaupepe Taimaiono Tole'afoa Faafisi

Fofoga Fetalai

Palemene o Samoa

MULINU'U

RIPOTI FA'ALE-TAUSAGA 2019-2020

E tusa ai ma le Vaega 110 o le Tulafono o le Pulea o Tupe 2001, oute tu'uina atu ai ma le fa'aaloalo ile Fono Aoaو Faitulafono le Lipoti Fa'ale-tausaga a le Fa'alapotopotoga o Ele'ele o Samoa (Samoa Land Corporation) mo le tausaga Fa'ale-tupe 2019/2020.

Lautafi Fio Selafi Purcell

(MINISITĀ OLE FA'ALAPOTOPOTOGA O ELE'ELE TUMĀOTI A SAMOA)

FA'ASOLOGA O MATĀUPU

TOFAMĀMAO & ANAVATAU	3
FA'AMATALAGA MO LE PALEMENE	4
LIPOTI A LE TA'ITA'IFONO	5-7
LIPOTI A LE PULE SILI	8
• Fa'amatalaga o Tupe	8-10
• Galuega Tetele	10-11
• Vaega o le Pulega & Tagata Faigaluega	12-13
• Vaega a le Su'etusi fa'aloto-i-fale	13
• Vaega a le Tulafono	13-14
• Vaega o Fanua	14-15
• Vaega o Tupe & Feso'otaiga Faatekonolosi	15-16
• Fa'afaigaluegaina o Aseta	16
• Lu'itau ole Galuega	16-18
• Vaai Taula'i i le Lumana'i	18
• Lamatiaga e Fa'aono Tutupu mai	18-19
• Upu Tauluga	19-20

TALA O TUPE UA MAE'A SU'ESU'EINA MO LE TAUSAGA 2019/2020

TOFĀMAMAŌ

***"Ia mautinoa lelei le fa'amanuiaina o
augātupulaga uma o Samoa mai le lelei puleaina
o aseta uma a le Fa'alapotopotoga"***

ANAVATAU

***"Ia unai'a malosi avanoa mo atina'e
fa'aletagatanu'u ma le vāfealoa'i fa'apea le
tamāoaiga mo tagatanu'u o Samoa, i le
fa'afaigaluegaina o aseta a le Fa'alapotopotoga i
ala tatau ma talafeagai lelei"***

FA'AMATALAGA MO LE PALEMENE

E aumā ni manuia o tatou faiva pe a aunoa ma le Atua e tautai ile soifua galulue o ona tagata fa'atuatua.

Ua atoa le 30 tausaga talu ona fa'avaeina le Fa'alapotopotoga o Eleele o Samoa e afua mai le tausaga e 1990 na te tausaiaina le puleaina tatau ma le tausiga lelei o fanua o le Malo sa fa'amatu'uina mai i le toe fetu'una'iina ai ole Esetete Tausi a Samoa (WESTEC). O lona tulaga fa'ale-tulafono ua fa'amauina lea i lalo o Tulafono mo Kamupani 2001, Tulafono mo le Pulega o Tupe a le Malo 2001, Tulafono mo Fa'alapotopotoga ale Malo (Fa'atinoga o Galuega ma le Mafai ona Tali atu) 2001, o Fa'aiuga ale Kapeneta, o Iugafono ale Komiti Fa'afoe fa'apea ma Tulafono Fa'atonutonu talafeaga lelei.

Mai le 24,000 eka sa foa'iina mai mo le Fa'alapotopotoga o Eleele o Samoa pe tusa ma le 362 eka ua fa'amatu'uina atu mo le fausiaina o auala mo tagata lautele fa'apea avanoa mo auala e fa'aaogaina e tagata taitoatasi e uia ai o latou fanua. O se vaega o fanua o lo'o totoe ua fa'atatauina mo fanua fa'atau pe tusa ma le 5 pasene ma fanua mo lisi eseese pei o fa'atoaga, nonofo ai, pisinisi fa'apea Fa'alapotopotoga eseese aemaise o lisi a Alii ma Faipule o nu'u taitasi.

I le fa'agasolo mai o tausaga o lenei galuega e tele ni atina'e sa fa'atinoina e fa'atupulaia ai le tamāoaiga ole Fa'alapotopotoga e aofia ai ma maketi ma le malae tapolo. O atina'e taua eseese ua molimauina mai e nei fa'aputugaoa ua fa'atupulaia ai fa'amanuiaga fa'aletagatanu'u, ole aganu'u fa'apea talitonuga fa'a-kerisiano ma tau'i fa'ale-tamāoaiga lautele.

LIPOTI A LE TA'ITA'IFONO

I le Agaga o meatonu uma ma le fa'aaloalo tele ou te tu'uina atu le Lipoti Fa'ale-tausaga a le Fa'alapotopotoga o Ele'ele o Samoa mo le tausaga fa'aletupe lenei e afua mai i le aso 01 Iulai 2019, e oo mai i le aso 30 Iuni 2020.

O le vaitau fa'aletupe lenei ua iloilo ina o se vaitau ua maitauina le maualuga o ona lu'itau masalo foi o le taimi muamua lenei ua feagai ai Samoa ma ni fa'ama'i ogaoga soso'o lava pei o le misela ile taulalata ile fa'aiuga ole tausaga 2019 soso'o ai ma le fa'ama'i ua silisili atu lona mata'utia ole Koviti-19 ua a'afia ai le tele o atunu'u o le lalolagi mai le amataga o le tausaga lenei 2020. E ui lava e le'i a'afia Samoa i le Koviti-19 ao a'afiaga i tulaga tau le tamāoaiga ua sili lona ogaoga aua ua a'afia vaega uma ole tamāoaiga.

O fa'atinoga fa'aletupe Fa'alapotopotoga o Ele'ele o Samoa na fa'amauina se vaega o tupe maua e \$13.1 miliona tala, ua fa'aititia ai ile 2.5 pasene pe a fa'atusatusa ile tausaga ua mavae atu nei. O le aofaiga o tupe fa'asili i le mae'a ona totogi o lafoga ua fa'aititia foi mai le \$4.1 miliona ile tausaga na mavae nei ile \$3.5 miliona i le tausaga fa'aletupe lenei. Peitai ole tupe maua mai tupe fa'avae ma tupe fa'aputupu e 11% o loo maualuga pea nai lo'o le tapula'a o lo'o fa'ataoto mai i Tulafono mo Fa'alapotopotoga ale Malo 2001 e 7%. O le aofaiga o Aseta ua si'itia ile 5% mai le \$41.3 miliona tala ile tausaga ua mavae ile \$43.5 miliona tala i le Tausaga Fa'aletupe lenei 2020.

Talu ai le fa'amai matautia ole Koviti-19 ua fa'amalosia ai le Fa'alapotopotoga e fetu'una'i fuafuaga fa'ataotooto mo lenei tausaga fa'aletupe ile fa'amuamua lea ole usitaia o poloaiga e tu'uina mai le Malo e fesoasoani ai i atina'e tumaoti aemaise le loaloa o tagata nu'u uma o Samoa. Sa fa'asoa ni fa'amamā avega a le Fa'alapotopotoga mo le mamalu ole atunu'u o loo fa'aogaina maketi i Savalalo, Vaitele ma Salelologa mo le 5 masina e fa'aauau ona fa'aaogaina ai nei asetā e aunoa ma se totogi. Ua fa'alauteleina atu foi lenei fesoasoani i fanua o lisiina atu i tagata taitoatasi i le fa'aititia lea ole totogi ile 15% mo le 5 masina fa'apea fanua o lo'o i lalo o aiaiga fa'atau ile 50% ua faaititia ai le tului mo le 5 masina. O le aofaiga o nei fa'amamāavega a le Fa'alapotopotoga e fesoasoani ai i tagata o si o tatou atunu'u e tusa lea ma le \$1.0 miliona tala.

Mo le silafia, i le fa'amautūina lava o le loto naunauta'i o le Fa'alapotopotoga mo le manuia ole Fa'alapotopotoga e tusa ai ma Tulafono mo Fa'alapotopotoga ale Malo 2001, o lo'o fa'aauauina lava i se tulaga maualuga mai lava ile tele o tausaga le fa'asoa tuāfoe e tusa ma manaoga e tataua ona fa'atinoina mo tagata lautele (CSO):

- Fa'atinoina le lagolagosua ale Malo e fesoasoani ai i le mamalu o le atunu'u i le ofoina atu lea o aiaiga e sili ona maualalo i Aoga, o Fa'alapotopotoga Tumaoti, o Ekalesia ma isi aua le fa'atinoina o a latou lisi.
- Faatino le ofoina atu o fanua a le Malo i lalo o le faamalumaluga a Alii ma Faipule mo fanua o loo i tuamaota o afioaga tulalata ile talafatai ole taulaga o Apia mo le fa'atauina i tau e maualalo atu nai loo tau faatulagaina ole maketi o loo iai ma ia faatumauiina faasinomaga lelei uma o afioaga nei.
- O fanua fa'atau motu uma o lo'o aofia ai ma le tausaga e tasi e tu'uaunoa ma se tului fa'aopopo peitai o le taimi nei ua taofia e le Malo le toe fa'atauina atu o fanua o le Malo.
- O fanua o le Malo o lo'o fa'atau motu pe lisiina foi o lo'o fa'amauiina le maualalo atu o tau nai lo'o tau o lo'o ofoina ai fanua fa'apenei i le maketi.
- O lo'o fa'amauiina le fa'aagagaina o ele'ele e lagolagosua ai ile Malo aua le faatinoina o mana'oga o le Malō e ala i atina'e tetele (*poloketi mole malosiaga fa'a-eketise e maua mai le la, o poloketi mo le fa'aleleia o feso'otaiga televavave, o poloketi ale Fa'alapotopotoga ole suavai, o poloketi ale Fa'alapotopotoga o malosiaga tau eketise*) fa'apea le fa'amautūina o puipuiga mo le gaosiaina o meaai e ala ile lisiina atu o fanua mo le atia'eina o lafu manu ma fa'atoaga eseese.
- Fesoasoani malosi ile mamalu le atunu'u e vaivai le tamāoaiga fa'asoa e totogi ai le tau o fanua e ala ile toe fa'aopo'opo o taimi fa'atulagaina e tatau ona totogi ai fanua po'o nisi e fesoasoani ai nai lo'o le fa'ateleina o aitalafu i fanua.
- O le Fa'alapotopotoga o Eleele o Samoa o loo taulāmua pea i le anavatau a le Malō i le unaia malosi o pisinisi tumāoti e avea ma malosiaga o atina'e uma a Samoa. I le aga'i ai i luma ole Fa'alapotopotoga ua lisiina atu ai i tua i pisinisi tumaoti le faletalimālo i Malifa fa'apea le Maketi i Vaitele (fogāfale muamua ma le lua) ma ole a fa'aauau pea lea faiga lelei ile aga'i i luma ole Fa'alapotopotoga.
- E fa'apea foi le fogāfale lona lua o le maketi i Salelologa ua lisiina atu i nisi o ofisa o le Malō fa'apea pisinisi tumāoti ese'ese.
- Ua ofoina atu foi ele Fa'alapotopotoga avanoa i totonu o Maketi i Savalalo, Vaitele ma Salelologa mo le lisiina e le au faipisinisi laiti mo le fa'aaogaina ini tau maualalo e gafatia e i latou.
- Ua fa'apea foi ona lisiina atu ele Fa'alapotopotoga le malae e a'oa'o ai le tapolo fa'atasi ma le ofoina atu ele Malae Tapolo i Faleata mo le au tapolo i totogi taugofie avanoa latou te maua ai le fiafia mai le fa'aaogaina o lea malae.

I lo'u tofiga ole Taitaifono, ou te fa'ailoa ai le ti'amua o le loto fa'afetai tele ile Pulega ma le aufaigaluega ile le fa'alogologotiga pe fa'avaivai foi i luitau ole galuega i lenei tausaga ae ua ofo atoa le ola, malosi ma le atamai e saili ai manū o malo mole Fa'alapotopotoga. E fa'apea foi ona ou momoli le maualuga ole agaga fa'amalo ile fitaituga ole Komiti Fa'afae e ui ina lu'itauina lenei vaitau ile Koviti-19 a'o le tofāpoto na lufilufilimaleleiina aua faiva tofia ua tatou fa'apale ai vaiola mo lenei tausaga. Ua fa'amauina ua fa'aititia mai le aofaiga ole Komiti Fa'afae ile lima (5) sui mamalu. E momoli foi le fa'afetai tele ia sui mamalu ole Komiti ua tuua le Fa'alapotopotoga mo nisi fa'amoemoega, Susuga ile fa'afeagaiga Tunupopo Patu fa'apea foi Afioga Taimalieutu Ernest Betham ma Tufuga Fagaloa Tufuga ua filifilia mole Komiti Fa'afae a Pulega o Tupe Fa'avaomalo a Samoa (SIFA). E fa'afeiloai atu foi ile agaga fiafia sui fou ole Komiti Fa'afae, lau Afioga Lemalu Selesitina Puleaga fa'apea le toe filifilia ai o Afioga To'omata Tua Afamasaga, Su'a Henry Fruean fa'apea Tuilagi James Bartley.

O la'u fa'afetai sili e fa'apitoa i lau Afioga i le Minisita Lautafi Fio Selafi Purcell mo fa'asoaga tonu ile tu'ualalo tatau ua mafai ai pea ele Komiti Fa'afae ma le Pulega ona fa'atinoina ma le maelega tiute ma faiva tofofi i lenei vaisua o lu'itau faigatā.

Ia agalelei tele le Atua

Lavea Lemalu Tupuola Sione Malifa
TA'ITA'IFONO KOMITI FAAFOE

LIPOTI A LE PULE SILI

Oute tu'uina atu ile ava ma le fa'aaloalo tele lenei lipoti ole tulaga tau tupe a le Fa'alapotopotoga o Ele'ele o Samoa mo le tausaga fa'aletupe e amata mai ile aso 1 Iulai 2019 e oo atu i le aso 30 Iuni 2020.


1.0 FA'AMATALAGA O TUPE

TUPE MAUA

Ua fa'amauina i lenei tausaga le fa'aititia o tupe maua i le 2.5% fa'atusatusa ile tausaga fa'aletupe ua mavae nei. Ole tulaga fa'aititia lenei e fa'avaeina mai ile fesoasoani fa'amamāvaega fa'aletupe ale Fa'alapotopotoga mo ana paaga e amata mai le masina o Mati e o'o ia Iulai 2020 ona ole fa'amai ole tapunia ai o auunaga uma talu le Koviti-19 aemaise foi ole le gafatia ai e nei paaga a le Fa'alapotopotoga ona totogi a latou tupe e tatau ona totogi i masina taitasi ona o a'afiaga ole Koviti-19.

O le maualuga o Tupe Maua e afua mai Fenua ua si'itia maualuga ile 74% fa'atasi ai ma le 20% o tupe maua mai Maketi (Savalalo, Salelologa, Vaitele), ole malaetāpolo i Faleata, ole faletalimalo i Malifa ma isi alaga tupe maua pei ona fa'ailoa atu ile Ata 1.


Ata. 1 Tupe Maua na aoina mai ile tausaga fa'ale-tupe 2020



TUPE FA'AALU

Ua fa'amauina i lenei tausaga le si'itia o tupe fa'aalu i le 8% mai le \$7.7 miliona tala i totonu ole 2019 ile \$8.4 miliona tala ile tausaga fa'aletupe lenei. O lenei si'itaga i tupe fa'aalu e fa'apogai mai le faia o auala fou e agai atu ai i Fanua Lisi fa'apea totogi ole fesi'itaiga atu i Falelauniu o i latou na nonofo i Sogi fa'apea avanoa fa'aopopo e fa'aleoleo mo aitalafu a i latou o lo'o fa'aaogaina fanua fa'apea Maketi e fa'aono lē mafai ona toe totogiina mai i totonu o lenei tausaga talu a'afiaga ole fa'ama'i ole Koviti-19. O tupe fa'aalu sili le maua mo le Fa'alapotopotoga ua fa'amauina mai i tupe na fa'aaogaina mo le fa'agaioioiga ma le fa'atinoina o galuega a le Fa'alapotopotoga ile aofaiga e 50% fa'aalu mo lenei tausaga fa'aletupe.

Ata. 2 Aofaiga o Tupe Fa'aalu mai le 2018 – 2020




TUPE FA'ASILI

Ua fa'amauina le tupe fa'asili ile mae'a ai ona aveesea lafoga ile \$3.4 miliona tala ile fa'aiuga ole tausaga fa'aletupe lenei. E tusa lea ma le 14% ua fa'aitiitia ai pe'a fa'atusatusa i le tausaga fa'aletupe ua tuanai. Ua mafua lea tulaga ona o a'afiaga o le fa'amai o le Koviti-19 ua aafia ai galuega fa'atino ale Fa'alapotopotoga e ala lea i ana tupe maua ma o se luitau foi lea ua feagai ma le Fa'alapotopotoga ona ole lē mautonu o le tulaga e ono o'o iai lenei fa'amai i le lumanai ona o pisinisi i Samoa e le'o iai se mautinoa e saogalemu mai fa'afitauli ua tulai mai i le lalolagi talu ai le fa'amai o le koviti-19.

O le fa'atino ai o le fesoasoani a le Malo e pei ona iai le FK(20) 13 sa fa'atonuina ai le Fa'alapotopotoga ina ia taofia le totogi o lisi mo pisinisi uma o lo'o lisiina avanoa i Maketi mo le 5 masina amata mai ia Mati seia oo atu ia Iulai 2020 o se tasi lenei o vaega sa a'afia ai le tulaga i tupe fa'asili a le Fa'alapotopotoga e ala lea i tupe maua

ma tupe fetafea'i. E ese mai fa'amanuiaga e pei ona tuuina atu i Maketi, ae sa faapea foi ona taliaina e le Komiti Fa'afoe se fa'amāmā avega i le fa'aitiitia ai lea o le tau o lisi o fanua i le 15%, totogi o lisi mo fale ma tului i luga o tau o fanua i le 50%.

Ata. 3 Tupe Fa'asili i le mae'a ai ona totogi lafoga, tupe maua ma tupe fa'aalu



Ole agaga fiafia ona e ui lava i a'afiaga ole Koviti-19 ile fa'atinoina o galuega ale Fa'alapotopotoga ae o lo'o fa'amauina le si'itaga o tupe fa'asili ile mae'a ai ona toesea lafoga ile \$3.4 miliona tala. O se taunuuga lelei mo tupe fa'avae ma tupe fa'aputuputu pei ona fa'amauina ai ile 11%. O le tulaga ole fa'aliliuina vave o tupe a le Fa'alapotopotoga e pei ona fa'amautuina mai ele fua fa'atatauina o aseta ma noataga e 10:1 ma e le gata ole maualuga ae o lo'o mafai ona ausia ma fa'amalieina manaoga ale Fa'alapotopotoga e mo'omia ona vave fa'atinoina.



2.0 GALUEGA TETELE

O nisi nei o atina'e tetele ua ave iai le fa'amuamua mo le fa'atinoina ale Fa'alapotopotoga o Eleele a Samoa i totonu o lenei tausaga fa'a-le tupe:

- O le totogiina o nonogatupe fa'apisinisi i le Ofisa o Teugatupe Teufa'afaigaluega o Mavaega Tausi o Samoa (UTOS) i taimi fa'atulagaina,
- O le fa'a tupeina ole fausiaina ole Maketi i Sogi,
- Fa'amautu fale nofo totogi e lua ile fanua ole Fa'alapotopotoga i Ululoloa,
- Fausia le maketi fa'avaitaimi i Fugalei e si'itia mai iai i latou o lo'o fa'aogaina le maketi i Savalalo,
- Fa'aaauu fuafuaga mo le matua fa'amalosia ole fa'aleleia o le tulaga tau tupe ale Fa'alapotopotoga ma ia unaia malosi aoina o aitalafu tuua mai fanua ma maketi,
- Fa'amalosia le atina'eina ole Taulaga i Salelologa.
- Fa'aaauu le lisiina o fanua nofo, fa'atoaga ma pisinisi,
- Fa'aaauu le fausiaina o auala fou.

3.0 VAEGA O TAGATA FAIGALUEGA & PULEGA

O le faitau aofa'i o le afaigaluega ile fa'aiuga o lenei tausaga fa'aletupe e 89 fa'atusatusa ile 86 ia Iuni 2019 e pei ona fa'ailoa ile Ata 4, ole 24% o tamaitai ma le 76% o alii e pei ona fa'ailoa atu ile Ata 5.




- Sa fa'atinoina ele Vaega o Tagata Faigaluega ile galulue fa'atasi ai ma le Pulega ma le afaigaluega tulaga alagātatau mo le iloiloina o agava'a mo'omia ma tomai fa'apitoa mo le afaigaluega e pei ona fautuaina ile lipoti a Konesale

ole masina o Oketopa 2019 ile toe fa'atulagaina o matafaioi atu a le Fa'alapotopotoga.

- Ua mae'a foi ona fa'amautuina nisi o avanoa faigaluega na fa'asalalauina mo Vaega na mo'omia ai tagata faigaluega e pei ona fa'ailoa atu ile Ata. 6.

Ata. 6. Avanoa Faigaluega ale Fa'alapotopotoga ua mae'a ona fa'atinoina i Vaega taitasi i totonu ole tausaga fa'ale-tupe 2019/2020



- I le fa'ailogaina ai ole Aso Fa'amanatu mo Galuega mo le Aufaigaluega a le Malo ile aso 27 Setema 2019, sa amanaia ai ele Fa'alapotopotoga sao taua o le aufaigaluega ua loa tausaga o faia pea le tautua ma ua ausia ni matati'a ile fa'alapotopotoga fa'apea le atina'eina o le Malo o Samoa.

4.0 VAEGA A LE SU'ETUSI FA'ALOTO-I-FALE:

- O galuega ale Su'etusi Fa'alotoifale sa fa'atinoina ma fa'amae'aina i le tausaga atoa:
 - Fa'atinoina siaki fa'ale-masina o lisiti ile Maketi i Savalalo fa'apea siaki e ta'i 3 masina ma fai mo Maketi i Vaitele, Salelologa fa'apea le Malae Tapolo i Faleata ina ia vave fa'amautinoaina ma fa'aleleia ni faiga fa'asolitulafono e fa'aono toe tutupu mai.
 - Sa fa'atinoina ma ausia galuega fa'asuetusi e 4 mai le 6 sa fuafuaina tausaga (O lo'o i totonu o le Fuafuaga Fa'aletausaga). Mafua lea tulaga ona o nisi o galuega e le'i aofia i Fuafuaga Fa'aletausaga ae na fa'atonuina e le Pule Sili ma le Soa Komiti o Tupe ma le Su'etusi.
 - O galuega fa'asuetusi e 4 ia ua maea ona fa'ataunu'uina mo le tausaga e tusa ma galuega fuafuaina ole tausaga e aofia ai Aitalafu i Fanua, Aseta, Galuega Tetele ma Peimeni ma le galuega i mea Tau Tupe Maua ma Lisiti. O galuega fa'asu'etusi e 2 e lei fa'atinoina e aofia ai le fa'aaogaina o penisini fa'apea avanoa fa'apitoa mo livi ole aufaigaluega ua fuafuaina mo le tausaga fa'aletupe 2020/21
 - O siaki le fuafuaina ma Galuega Su'etusi Fa'alotoifale sa fa'atinoina ma ausia mo le tausaga sa va'avaai lava foi ile fa'aleleia ma le fa'amalosia o tulaga ma ala uma e puipuia ai le fa'atinoina o galuega ma le auunaga ale Fa'alapotopotoga.

- v. Ole masina o Iulai 2020 sa amata fa'amamaluina ai le Taiala o Galuega a Su'etusi Fa'alotoifale ale Fa'alapotopotoga 2019-2022. Ua fuafuaina e fa'amutaina ile masina o Iuni 2022 ile mae'a ai lea ole tolu tausaga fa'aletupe (2019/2020, 2020/21, 2021/22) ma o lo'o fa'atonuina mai ai mea e tatau ona fa'ataua e lenei auunaga ma ala o fa'atinoga e tatau ona faia e fa'aaleleia ai tulaga uma. O lo'o fa'ataoto mai ai foi i lenei Taiala ala manino mo le fa'aauuina ole galuega a le su'etusi fa'alotoifale ina ia mafai ona fa'asoa atoatoa ma le mautinoa e tusa ma tuaoi o aseta mo ala manuia.
- vi. Saunia ma tu'uina atu ripoti o galuega ale Su'etusi, siaki le fa'atulagaina, o su'esuega fa'apitoa ma nisi galuega fa'asu'etusi e fa'atonuina mai e le Pule Sili fa'apea le Soa Komiti o Tupe ma Su'etusi mo fonotaga fa'alemasina a le Komiti Fa'afaoe.
- vii. Tutiluliloa ma fa'aleleia i totonu ole ta'i 3 masina mataupu uma na fesiligia ile Tusi ale Pulega 2019 mai le Su'etusi fa'ale-tausaga pei ona fa'atinoina ele kamupani a Isitolo Leota faapea le galuega fa'alotoifale a le Ofisa Su'etusi ale Malo mo le masina o Iulai 2018 agai Aperila 2019 ina ia fa'amautinoa lelei tulaga sa fautuaina ele Su'etusi mo le fa'aleleia o le galuega ma le auunaga.
- viii. Saunia ma tapenaina Fuafuaga Fa'ale-tausaga o Galuega Fa'asu'etusi mo le Tausaga 2020/21 ia Me 2020 ao le'i amatalia galuega o le tausaga fa'aletupe ma e 6 galuega fa'asu'etusi o i totonu o lea Fuafuaga. E ese mai i galuega Siaki ma Su'esuega fa'apitoa ma nisi o galuega e le fuafuaina e fa'atonuina mai e le Pule Sili ma le Soa Komiti o Tupe ma Suetusi.
- ix. E tasi se galuega fa'asu'etusi sa fa'atinoina fa'atasi ma isi Su'etusi Fa'alotoifale a le Malo ile tausaga ma ole galuega i mea tau Galuega Tetele ma Peimeni. O lenei galuega sa ta'imua le Matagaluega o Tupe fa'apea male Konesale mai Ausetalia ma Su'etusi Fa'alotoifale ale Malo.

5.0 VAEGA ALE TULAFONO

- O le galuega fa'aauau le fa'amalosia ole aoina mai o aitalafu tuua ma o lo'o avea pea ma fa'amuumua ale Vaega ole Tulafono e ui i lu'itau o le fa'ama'i ole Koviti-19 ua a'afia ai le lalolagi atoa.
- O lo'o fa'aauuina pea ona fa'afaofoaina le agaga galulue fa'atasi ma isi Vaega e tolu ole Vaega o Tupe, Vaega o Fanua ma le Vaega mo le Fa'afaigaluegaina o Aseta ina ia matua seleseleina le maualuga o tupe fa'asili mo le Fa'alapotopotoga,
- O lo'o fa'amalosia pea le anavatau o le '*Talanoa*' (feiloaiga, tusi, imeli, telefoni ma fa'asalalauga) e fa'aauau ai ona logoina ma fa'ailoa tagata uma o lo'o nofo aitalafu ile Fa'alapotopotoga o latou tiute ma matafaioi fa'aletulafono e pei ona fa'amautuina mai Feagaiga na o latou sainia ma o lo'o puipui malosi e tulafono ole Malo o Samoa
- O lo'o fa'aauuina ona vailiili, fa'amautu ma fa'afou Feagaiga tuai, Feagaiga fou ma Feagaiga fuafuaina mo fanua fa'atau ma lisi, maketi ma isi

fa'aunegatupe ina ia taoto lelei ma tulafono, aiaiga ma faiga-fa'avae o loo fa'aaogaina ile taimi lenei.

- O lo'o fa'aaauau ona tapena ma fa'amautūina konekarate mo kamupani ua fa'afaigaluegaina ele Fa'alapotopotoga mo le fa'atinoina o le tele o ana Poloketi pei o fale, fanua fa'aopopo ile tanuina ole sami, auala fou ma isi.
- Fa'aaauau ona soalaupuleina le manomano o mataupu e fa'atula'i mai i feeseeseaiga e a'afia ai fanua ma isi mataupu ale Fa'alapotopotoga e matua mo'omia ona fa'aleleiina.
- Fa'atumauina ona fa'amalosia so'otaga talafeagai e tauala ile galulue fa'atasi ma le Ofisa ole Loia Sili mo le fa'atinoina o nisi o mataupu fa'ale-tulafono e fa'atula'i mai e a'afia ai le Fa'alapotopotoga fa'apea le fa'asoaina ose tu'ualalo fa'aletulafono ile Fa'alapotopotoga,
- Fa'aaauau ona fa'atinoina galuega i ala tatau ma talafeagai ile fa'atumauina o tulaga taualoa lautele ole Fa'alapotopotoga ile fa'atinoina o lana auunaga e ala ile fa'amalosia o le tulaga lē fa'aituau, ile malamalamaga manino ma tonu pe a fa'atalanoaina le lautele o tagata ile matuā fa'atauaina o mataupu uma e fa'ao'o mai ile Fa'alapotopotoga.

6.0 VAEGA O FANUA

FUAFANUA

- O lo'o fa'aaauau pea galuega ale au fuafanua mo le vaevaeina o eka e lua afe tolu selau ono sefulu ma le ono (2366) i tuā maota o Vailele e le'i fuaina.
- Ua mae'a ona toe fuaina ma su'eina o pine tuaoi ile ova ma le 200 poloka a tagata i fanua nofo lisi ma fanua fa'a-fa'atoaga.
- Ua mae'a se vaevaega o kuata eka i Tapatapao mo fanua nofo lisi.
- Ua mae'a le vaevaega o fanua a le malo i Tafaigata mo aiga o lo'o nonofo i Sogi fa'atasi ai ma le aoga fa'asauni a le Matagaluega o le Ofisa o Leoleo ma le Fiafia Park.
- Ua mae'a le fuaina o le limasefulu (50) eka i fanua ole malo i Vailele.
- Ua mae'a foi ona fuaina le lima (5) eka mo le fausiaina ole Maketi fou i Sogi.
- Ua mae'a le fuaina o le tasi (1) eka mo le pamu penisini a le malo i Tuanaimato.
- Ua mae'a ona vaevae le lua (2) eka ta'i kuata eka mo fanua lisi ile fanua ole Maketi i Salelologa.
- Ua mae'a le vaevaega o le selau onosefulu lima (165) eka i Lafi mo lisi fa'a-fa'atoaga.
- Ua mae'a foi le vaevaega o le ono sefulu lima (65) eka mo lisi fa'a-fa'atoaga i Tanumapua.
- Ua fuafuaina le vaevaega fou o le fitu sefulu ono (76) eka ile ta'i tolu (3) kuata eka i Tafaigata e fa'amatu'u mo le aoga a le Matagaluega o Aoga Ta'aloga ma Aganu'u, fa'apea fanua nofo lisi ma fa'atoaga aemaise foi ole fanua ua fa'amatu'u atu e fa'afesuiai ma le fanua a le Ekalesia Katoliko.
- Fuafua le vaevaega o le tolu ma le afa (3 & 1/2) eka mo fanua nofo lisi i Vailele.
- Fuafua le vaevaega o le selau (100) eka o fanua a le malo i Malie mo lisi a Alii ma Faipule a le afioaga.

- Ua mae'a le vaevaega o le lua selau sefulu (210) eka mo lisi fa'a-fa'atoaga i Casala.

FANUA

- Fa'amauina le fa'amatu'u atu o le ono sefulu lima (65) eka o fanua i Tanumapua mo lisi fa'a-fa'atoaga.
- Fuafuaina le fausia o auala (1201 m) e uia ai lisi i Tanumapua.
- Fa'agasolo le soalaupulega mo le vaevaeina o le tolu sefulu (30) eka i Letava ma i latou o nofoia nei fanua.
- Fa'amatu'uina le luasefulu (20) x 1/4 eka o fanua i Tafaigata mo lisi nofo ma fa'amaeaina ai le fausia o auala (529 m) e uia ai nei fanua.
- Fa'amautuina le si'itiaina oi latou sa nofoia fanua i Sogi i Tafaigata, ma tuuina atu ai seleni e fa'agaioi ai le aga'i atu i Tafaigata.
- Fesoasoani ile tuuina atu o auaunaga moomia mo le suavai taumafa ma le eletise mo i latou i Sogi
- Fausia(1854m) auala mo le uia o fanua i Tafaigata (Siitia iai Aiga sa fa'amautu i Sogi)
- Tu'uina mai le Fa'aiuga a le Kapeneta (FK) 19 (4) fa'amaonia ai le fa'amatu'u mai o le 1214 eka o fanua o le Malo i Vaiaata e fa'agaioiina e le SLC.
- Fuafua le vaevaeina o le lima sefulu fitu (57) eka i Tapatapao mo lisi fa'a fa'atoaga.
- Amatalia le fausia o auala (3141m) e uia ai lisi fa'a faatoaga i Lafi.
- Fa'aauuina asiasiga mo fanua fa'a faatoaga i Tapatapao, Fiaga ma Tanumalala.
- Feutana'i ma le Matagaluega o Tupe, ile fa'amautuina o le lisi tasi eka mo le fausia o le pamu penisini a le Malo.
- Unaia le iloiloina o fanua lisi ma fanua fa'atau ua ausia le taimi talafeagai mo le fetu'unaiga o tau.
- Fa'aauu le fa'amatu'uina o fanua ile faasoa a Alii ma Faipule o afioaga taitasi.

7.0 VAEGA O TUPE MA FESO'OTAIGA FA'ATEKONOLOSI

- Toe iloilo alafua ma aiaiga fa'alotoifale tau tupe ma fa'amaumauga, fa'apea ai ma le auivi o le vaega o tupe po'o le fa'atulagaga o tulaga o tagata faigaluega, fa'atasi ai ma tulafono tusa ai ma le Polokalame Fesoasoani a le Malo o Samoa (SGSP)
- Toe iloilo le auivi o Vaega o Tupe male Fa'afaigaluegaina o Aseta ale Fa'alapotopotoga o se Vaega e tuto'atasi, aua le fa'aleleia ma le siitia o tulaga tau tupe mo le Fa'alapotopotoga
- Saili ma fa'ailoa ni auala e mafai ai ona fa'aleleia tupe maua mai le fa'afaigaluegaina o aseta i lalo o vaega o Inivesi
- Iloilo ma fa'ailoa ia ni fai-pisinisi agavaa e mafai ona fai paaga ma le Fa'alapotopotoga

- Va'ava'ai lelei ma mataitū atoa atina'e i aso uma ma fa'amautinoa le saogalemu o aseta ma meatotino faapea ma le fa'atumauina o le fa'aleleiina ia tumau le aoga ma lona fa'aaogaina.
- Fa'amalosia le fa'atonutonuina o alafua ma aiaiga fa'alotoifale aua le mataitūina o le vaaia lelei o itu tau seleni a le Fa'alapotopotoga.
- Iloilo ma fa'afou fuafuaga mamao tau tupe fa'apea le tapenaina o lipoti mo le tausaga fa'aletupe.
- Ia tulimata'i ma usitaia pea taimi fa'atulagaina mo lipoti fa'alekuata fa'apea lipoti fa'ale-tausaga.
- Fa'aaauau pea ona fa'aaoga vaega uma o polokalama faakomepiuta tau tupe o lo'o iai e ala i aoaoga
- Fa'alauaitelina o le fa'aogaina o polokalame fa'akomipiuta (LMS) mo Maketi tai tasi, fa'aaoga ai fes'ootaiga fa'aonapo nei (SNBH)
- Fa'aaauauina ona fa'afou, fa'aleleia ma tulimata'i fa'amaumauga ile upega tafai'ilagi ale Fa'alapotopotoga.
- Fa'afouina o Masini Komipiuta (Servers) o loio fa'aaogaina e le Fa'alapotopotoga aua le malupuipuiga o fa'amaumauga ma polokalame faa-tekonoosi.
- Fa'aaauauina pea ona mataitūina ma fa'aleleia galuega uma fa'a-tekonoosi e ala lea i le (LAN) feso'otaiga, o aseta ma feso'otaiga tau intaneti.
- Fa'aaauauina pea ona faia fa'amaumauga fa'aleoleo mo le Fa'alapotopotoga, ma mataitūina ona fa'aleleia ma tausia lelei o mea pueata mo puipuiga o aseta.

8.0 VAEGA MO LE FA'AFALUEGAINA O ASETA

- Pulea ma mata'itū galuega fa'atino a vaega ta'itasi aofia ai Maketi Salelologa, Vaitele ma Savalalo, fa'atasi ai ma le malaetāpolo i Faleata ma lisi fa'apisinisi.
- Vaaia lelei o le fa'afaigalueaina o aseta o lo'o fa'ainivesi i aso taitasi mo le si'itia tupe maua, malu puipuia lelei galuega fa'alelei fa'aaauau, fa'atauina o masini, ma le auaunaga ofoina atu mo le atunu'u.
- Sailia ni auala tau inivesi o lo'o avanoa i le maketi aua ni tau talafeagai e fetau lelei ma aseta a le Fa'alapotopotoga.
- Fa'aaauau le iloiloina ma le mata'itūina o paaga faipisinisi ma i latou o loo gafatia taulimaina le totogi o lisi aemiase lisi mauululuga.
- Fausia o so'otaga lelei ma le au faipisinisi fa'apea isi matagaluega a le malo i le unai'a lea o le fa'aogaina ma le fa'alauiloaina o oloa ma auaunaga fa'a inivesi a le Fa'alapotopotoga.

9.0 LU'ITAU OLE GALUEGA

O lu'itau tetele e a'afia ai le lē fa'atinoina o Atina'e ale Fa'alapotopototo ile aga'i ai ile lumana'i:

- Ole tulai mai ai fa'amai ole Koviti-19 ile lalolagi atoa ua ogaoga se a'afiaga ile tulaga tau le tamaoiga o tatou tagata, fa'alapotopotoga ma le atunuu atoa. O se taumafaiga e fa'aleleia ma fa'amalosia le aoina mai o aitalafu ua faigata

foi ona ole paū maualalo ole tamaoiga o tagata nofo aitalafu ona o le fa'amai ma ua faigata ai ona fa'atinoina lelei lea galuega. E ave lava le fa'amuamua ale Fa'alapotopotoga ile finagalo fesoasoani ole Malo ina ia fa'amāmā le avega i le mamalu ole atunu'u ona o le fa'ama'i ma e taofia ai foi taumafaiga e fa'amalosia ai le aoina mai o aitalafu.

- Taumafaiga ina ia fa'aauauina le fa'aleleia ole aoina mai o aitalafu ina ia fa'ailoa se tulaga lelei ile fa'aititia o aitalafu ile aga'i i le lumanai.
- Taumafai e fa'amalosia ma fa'amausalī ona maelegāina le agaga ole *'galulue fa'atasi'* mo le manuia fa'asili ole Fa'alapotopotoga ile seleseleina o fua lelei ao taofimau pea i so'otaga taua ma o tatou tagata ma le atunuu.
- O taumafaiga ile sailia o auala talafegai lelei e fesoasoani ile soalaupuleina ma le fa'amautuina o fa'aiuga tatau i mataupu ma fe'eseeseaiga e fa'atulai mai e afoaga e a'afia tele ai fanua ma meatotino a le Malo aemaise o le totogiina oa latou aitalafu e le faigofie.
- O taumafaiga talafeagai tonu i soalaupulega ma aiga mo se fofu lelei ia latou mataupu ma feeseeseaiga e fa'atulai mai e a'afia ai fanua (fa'atau & lisi) ma meatotino (fale & maketi) ale Malo aemaise o aitalafu tuua mo fa'aiuga tatau e ogaoga foi ona faigata.
- E taua fanua i o tatou tagata ose taumfai atu e fa'aleleia mataupu ma fe'eseeseaiga ile va o aiga o loo afaina ai fanua ole Malo e tele foi ona fa'afitauli e tulai mai ai nai lo'o tali. O le lu'itau ole fa'ailoa lea male fa'atatauina lea o ala malamalama ma le tatau e mafai ona malilie autasi ai aiga uma.
- Ole fofōina o mataupu e fa'atulai mai e a'afia ai meatotino a le Malo ose lu'itau e mo'omia ai lava auala tonu e fa'aleleia ai mo se taunuuga talafeagai.
- O le fa'amoemoe laualuga ole Vaega ole Tulafono o lo'o fa'amauina i lana anavatau o feau *'ia maopopo ma atoatoa ona lelei'*. O mo'omo'oga lava ina ia matua fa'aleleia le auunaga ale Vaega ole Tulafono ina ia ausia tini fuafuaina lelei, tapenaina lipoti o galuega faia fa'apea le tulitulimatāgauina o galuega ua uma ona faia ma isi mataupu. Ua molimauina le manaomia ona fa'aopopo se isi tagata faigaluega ile tulaga ole Ofisa sinia e lipoti sa'o ile Pule Lagolago e fesoasoani mole fa'atinoina o le tele o galuega ua poloaina lona fa'atinoina, fa'apea le soalaupule mo fa'aiuga tatau i le tele o lu'itau aemaise le fa'asoaina lea o fautuaga talafeagai lelei i le Pule Sili ma le Fa'alaopotopotoga.
- O le fa'atuai o le fa'atinoina o Fa'aiuga a le Kapeneta ua fa'amaonia ai le fa'amatu'u mai o nisi o fanua a le Malo e puleaina e le SLC, ua avea ma popolega ma se luitau e fa'amalumalu pea ile fa'atinoina o galuega a le Fa'alapotopotoga. O lo'o talia pea le resitalaina aloaia o nisi o fanua ile Fa'alapotopotoga e ui i le manino o fa'aiuga a le Kapeneta e liliuina ai fanua mo le fa'agaioina e le Fa'alapotopotoga. O lenei fa'afitauli ua iai ona a'afiaga ile tulaga o tupe maua a le Fa'alapotopotoga, aua ua lē mafai ona aoina mai nisi o seleni mo le atina'eina o nei fanua ma fa'amauina ile tala fa'ale-tupe ole tausaga nei. E le'o mautū foi le tulaga o le sainia o ni feagaiga aloaia mo le lisiina o nei fanua, ona o le fa'atuai pea o le resitalaina aloaia o fanua ile Fa'alapotopotoga.
- O le umi ole taimi, o talia ai ata o fa'afanua ua tu'uina atu mo le siakiina ma le pasiaina o se tasi lea o lu'itau o lo'o feagai ma le Fa'alapotopotoga. O le fa'atuai ua lē mafai ai ona fa'asoa atu ni fanua ile mamalu ole atunu'u, ma

fa'atinoina ni galuega mo auala ise taimi vave ona o le umi o le taimi e fa'atino ai galuega mo le siakiina o vaevaega a le Fa'alapotopotoga.

- O le isi lu'itau o lo'o feagai ai, o le utiuti lea o seleni e fa'aagaga mo le fa'atauina o se polokalame talafeagai e fa'amauina ai ma mataitu fanua o lo'o fa'agaioiina e le Fa'alapotopotoga. O lo'o ia fuafuaga fa'ata'atitia mo le fa'atauina o se polokalame e patino mo le fa'agaioiina o fanua. Ua fa'amauina o lea fa'a faigofie le tapenaina o ripoti talafeagai mo fanua ma malutia fa'amaumauga mai le fa'afaigofie ona fesuia'i e tagata faigaluega pea fa'aogaina lea polokalame.

10.0 VAAI TAULA'I I LE LUMANA'I

O Galuega Tetele ile Aga'i i Luma ole Fa'alapotopotoga:

- Fa'aaauu ona iloiloina Ta'iala ma Faiga Fa'avae o loo limata'itaiina ai le fa'atinoina o galuega.
- Fausiaina ole Maketi Fou i Sogi ile amatalia lea ole tanuina ole fanua ile amataga o Tesema 2020.
- Fa'aaauu le atina'eina ole Taulaga i Salelologa.
- Fausiaina ole fale mautotogi e lua e Ululoloa.
- Fausiaina ole Maketi le tumau i Fugalei
- Fa'aogaina ole Sisitema fou mo le fa'amaumauina o tupe ina ia o gatasi ma manaoga ole Vaega ole Tupe.
- Fa'aaogaina ole Polokalame ole Puao e fai ma nofoaga e ese mai le Ofisa e puipuia ai faamaumauga faaleoleo ale Fa'alapotopotoga.
- Tapenaina o le Sisitema fa'atekenolosi mo fa'amaumauga.
- Sailia avanoa fa'ale-a'oaoga i atunu'u i fafo atu o Samoa ma totonu lava o Samoa mo le a'oa'oina ma le fa'aleleia ole auaunaga ale aufaigaluega e tusa ma galuega o lo'o galulue ai.
- Fa'amautuina o Fuafuaga Tatau ale Fa'alapotopotoga mo le tausaga 2020 e o'o ile 2023/24.
- Fausiaina o auala fou mo le mamalu ole atunu'u.
- Fa'aaauu ona vaevaaina o fanua mo lisi fa'atoaga, pisinisi ma fanua nofo.

10.0 LAMATIAGA E FA'AONO TUTUPU

- O lo'o tauaveina pea le anavatau lava a le Fa'alapotopotoga ina ia si'itia le soifua manuia ma atina'e o le tamaoaiga mo tagata Samoa i le fa'afaigaluegaina talafeagai o aseta ma meatotino a le Fa'alapotopotoga. O ana alagatupe silia lava o fanua fa'atau ma fanua lisi, fa'apea tupe maua mai i maketi ma isi alagatupe maua e fa'atupeina ai le galuega. O le fa'aaogaina tatau talafeagai o nei aseta e ala i tupe o lo'o maua mai o lo'o atagia lea i le fa'atumauiina o le atinae o le tamaoaiga o le atunu'u.
- O fuafuaga mamao a le Malo mo le tu'ufatasia o le Fa'alapotopotoga o Esetete Tausi a Samoa, Fa'alapotopotoga o Elelele o Samoa ma le Komiti

Fa'atonu o Ele'ele a le Malō i lalo o se Matagaluega/Fa'alapotopotoga e tasi e fa'agāioia ma puleaina ele'ele uma o loo resitala i lalo o le Malō e pei ona fa'amauina i le fa'ai'uga a le Kapeneta (FK (15)31) o lo'o fa'atalia pea.

- Fa'ataua le Soifua Maloloina male Saogalemu ole Afaigaluega.
- Suiga i fuafuaga fa'ata'atitia a le Fa'alapotopotoga ona o nisi o mafuaaga le ma'alofia sa le'i fuafuaina a le Malo ua lē feauauta'i ai ma ana fuafuaga sa mua'i fa'ataoto.
- O le fa'atupulaia ona fa'aititia o tupe maua a le fa'alapotopotoga ua lē mafai ona ausia tapula'a e tatau ona maua mai le fa'afaigaluegaina o ana aseta.
- Ole lē mafai ona tausisia e ana paaga o aiaiga e tusa ai ma maliega o konekarate sa fa'asainia muamua ma ua iai a'afiaga e ono pau maualalo ai tupe ale Fa'alapotopotoga.
- O lo'o fa'aauau pea i se tulaga lē mautinoa a'afiaga ole fa'amai Koviti- 19 i le lumanai o pisinisi ona e le'i masani i auala e fa'aititia le ono lamatia e pei ona iai isi atunu'u ole lalolagi sa a'afia.
- Ia tu'uina pea le fa'amamafa / fa'ataua i le lelei ona puleaina o aseta e aofia ai fanua ole auga po'o le matāfaoi autu a le Fa'alapotopotoga. E ui i nei naunautaiga o lo'o tumau pea ona iai lu'itau e lē mafai ai ona ausia nisi o fuafuaga fa'ata'atitia ma ausia lana manulauti ole puleaina lelei o ana aseta i se tulaga e gafatia ona fa'atino.

11.0 UPU TAUALUGA

E le nā male lāina le fa'amauina ai ole paū maualalo o le fa'amatalaga o tupe mo lenei tausaga fa'ale-tupe 2020 ona ole fa'ama'i ole Koviti-19 ua afaina ai le tamāoaiga aemaise o a tatou paaga. E ui lava e le'i a'afia se tagata se to'atasi ole atunu'u i lenei fa'ama'i ae ole lalolagi lava latou o lo'o molimauina le fa'atupulaia ise tulaga mata'utia aemaise ole le'i maua ai ose fofō. O popolega tele ona o lea tatou te iai lava i tulaga o Poloaiiga Fa'afuasei ale Malo ae aunoa ma se taunuuga lelei o mafai ona vave tilofia ma e fa'aono o'o atu ile ogātotonu o le tausaga fou. O tulaga maaleale ia talu lenei fa'ama'i ma e manatu e tele ni ona a'afiaga tugā i lo tatou tamaoaiga pe a o'o mai i totonu o Samoa.

Ole punaoa sili o tupe maua ale Fa'alapotopotoga e maua mai lea i fanua pe tusa ma le 70 pasene ao le isi 30 pasene e maua mai le fa'agalueaina o aseta pei o Maketi (Savalalo, Vaitetele ma Salelologa) ole Malae Tapolo i Faleata, Faletalimalo i Malifa ma nisi. Mo le silafia o fanua ole Malo o lo'o lisiina atu i aiaiga mo fanua lisi, pisinisi, fa'atoaga ma poloketi mo fa'alapotopotoga eseese. Pe tusa ma le lua tausaga talu ai na taofia ai ele Malo le toe fa'atauina atu o fanua ole Malo ae o loo fa'aauau pea ona talia ele Fa'alapotopotoga totogi mo fanua na fa'atauina atu ao le'i faia lea poloaiiga seia mae'a ona totogi lona tau ato ile isi 8-10 tausaga.

O lo'o fa'aauau pea ona feagai le Fa'alapotopotoga ma le tele o lu'itau i le tulaga o mataupu fa'asino i fanua. E le o faigofie ona fa'atalanoaina ma afioaga so'o mataupu e fa'asino i fanua ole Malo o loo i totonu o nuu ona o lo latou talitonuga o fanua nei o latou na avea fa'amalosia i le taimi o pulega fa'a-kolone ma e tatau ona fa'afō'i atu ia i latou. Tasi lenei o mafuaaga tupito ole fa'atupulaia o aitalafu ona ua mumusu

tagata o nu'u e totogi a latou aitalafu. Peitai ane o lo'o matou matuā tauivi pea e aoina mai nei aitalafu ma ua iai nisi o auala ua fa'amaonia le aogā ile fa'amalosia ai ole totogiina mai o aitalafu pei o fa'asilasilaga i luga o ala o fa'asalalauga e fa'ailoa ai igoa uma o i latou o lo'o nofo aitalafu fa'apea le avanoa mulimuli ile tulafono.

I lenei avanoa taua oute fa'amauina ai le agaga fa'amālo ile Pulega ma le aufaigaluega mo le galulue finafinau malosi i totonu o nei vaitaimi faigata ole Koviti-19. Ua tatou nonofo malamalama uma ile tulaga faigata lea ua tatou iai ae fa'anōnōmanū pea ina ia aua lava ina ia laveaina pea i tatou mai lenei fa'ama'i.

O le fa'amua ole loto fa'afetai tele ole Taitaifono ma sui mamalu ole Komiti Fa'afoe i lo latou lalago malosi i musumusuga ole poto e ala ile tofa mamao ma le uta loloto na lalagaina ai mamanu silisili mo galuega tausoa fa'atasi ale pulega ma le aufaigaluega ina ia sapi i manuia o malo le Fa'alapotopotoga. Se avanoa taua foi e fa'afetaia sui mamalu ole Komiti Fa'afoe ua tuua le galuega, le susuga ile fa'afeagaiga, Susuga Tunupopo Patu, Afioga Taimalieutu Ernest Betham ma Tufuga Tagaloa Tufuga; o se fiafiaga tele ile loto le galulue so'otauau ai ma a outou Afioga. Fa'amalo mo faiva. Oute fa'afeiloai atu foi ile sui mamalu ole Komiti Fa'afoe, Afioga Lemalu Selesitina Pulega.

E fia molio'o le loto fa'afetai tele i lau Afioga i le Minista, lau Afioga Lautafi Fio Selafi Purcell mo lau ta'itaiga, o taiala ma tufatufaga lelei fa'atasi ma lau fa'aoololomaau e lagolago ai lenei faiva ua fa'afaigofie ai ona fa'asoa tonu ma fa'asoa poto punaoa ale Malo o lo'o tausia ele Fa'alapotopotoga. Oute talitonu ole tausaga mulimuli lenei i lou avea ai ma Minisita o le Fa'alapotopotoga o Eleele o Samoa ao le'i faia le Palota tele a Samoa, oute fa'amanuia atu ile fa'asauni o lau Afioga ile faiga Palota ile aso 9 Aperila 2021.

Ma le fa'aaloalo tele

Ulugia Petelo Kavesi

PULE SILI